



Yangi O'zbekiston taraqqiyoti uchun birlashaylik!

asr

IJTIMOY-SIYOSIY GAZETA

22-sentyabr 2022-yil 38 (984)



www.21asr.uz



@XXLasrofficial

Gazeta 2004-yil 1-yanvardan chop etila boshlangan

ДОЛЗАРБ МАВЗУ



ЎЗБЕКИСТОННИНГ ТАШРИФ ҚОҒОЗИ


Бу кўҳна заминга қадам қўйган ҳар бир сайёҳда бой тарихимиз, шу кунгача сақланиб қолган (хайриятки, бузилмай турган) қадим обидаларимиз, осори-атиқаларимиз ҳайрат уйғотиши табиий. Қолаверса, азалий қадриятларимиз, анъана ва урф-одатларимиз уларни ўзига оҳанрабо янглиғ тортаётгани ҳам сир эмас. Лекин...

Хўш, туризм соҳаси нега ривожланишдан ортда қолмоқда? Президент, ҳукумат томонидан энг кўп эътибор (ҳазилакам маблағ ажратилаётгани йўқ) қаратилаётган бу жабҳада ҳамон оқсоқлик кузатилаётгани сабаблари қаерда? Туризм ва маданий мерос вазирлиги ОАВ ҳамда ижтимоий тармоқдаги танқидий чиқишларга нега сукут билан жавоб бермоқда?

6

Президент Шавкат Мирзиёев раислигида 19 сентябрь куни мамлакатимизнинг ички ва ташқи туризм салоҳиятини янада ошириш чора-тадбирлари юзасидан ўтказилган видеоселектор йиғилишида аниқ вазифалар белгилаб берилди.

ФАРҒОНАДА "ОЛТИН ВОДИЙ САЙЁҲЛИК ҲАЛҚАСИ" ТАШКИЛ ЭТИЛМОҚДА



ов ва сафар туризми таклиф қилинади.

Иккинчи куни меҳмонларни Риштондаги "Халқаро куллар маркази", "Хунармандлар маркази" туризм комплексига олиб борамиз. Ундан кейин Олтиариқдаги агротуризм объекти билан таништирамиз. Мавсумга қараб Қувадаги гулчилик, анор боғлари, Учкўприқдаги лаванда-

зор, Қувасойдаги мева боғларимиз, Фарғона туманидаги малина плантацияларини меҳмонларга таклиф қилиш мумкин. Учинчи куни Фарғона тумани, Чимён қишлоғидаги санаторийда санатор-курорт ҳамда Водил шаҳарчасида гастротуризм билан таништирилади. Биргина, Фарғона туманининг ўзига 10 та санатория мавжуд. Кунни кеча "Чимён шаббодаси"

яңги туризм ва эко дам олиш маскани ташкил этилди. Имкон бўлса, туристлар Шоҳимардонга ҳам олиб чиқилади.

Туртинчи куни Фарғона шаҳридаги "Вайн-гарден" узумчилик-вино корхонасига экскурсия уюштириб корхонанинг дам олиш масканига олиб борилади. Корхонада алоҳида вино дегустацияси омбори ҳам ташкил этилган. Шу куни Марғилон шаҳрида этно ва гастротуризм таклиф этилади. Марғилон шаҳридаги "Хунармандлар маркази" ҳозирги кунда асосий туризм объектларимиздан бирига айланган.

Ташриф буюрувчиларга шароитлар яратилиши, уларни шаҳримизда кўпроқ олиб қолиш мақсадида Хунармандлар маркази раҳбари Иброҳим Султонов томонидан тарихий қуришнидаги "Карвонсарой" лойиҳаси амалга оширилмоқда. Ҳозирда хунармандлар марказининг ўзига йилига 55 минг нафар (кунига 150 нафар) сайёҳ ташриф буюрмоқда.

"Олтин водий сайёҳлик ҳалқаси" яратилиши натижасида йилига камидан қўшимча 500 минг туристни жалб этиб, улар ҳисобидан 200 миллион доллар қолдириши имкони мавжуд.

ЎЗА

МУНОСАБАТ



САМАРҚАНД САММИТИ: ЯКУН ВА ХУЛОСАЛАР

Бир пайтлар буюк соҳибқирон бобомиз Амир Темури давлатининг маркази бўлган гўзал ва бетакрор Самарқанд замини ўтган ҳафта дунё нигоҳини яна бир бор ўзига қаратди. Англаганингиздек, ер юзининг сайқали дея таърифланувчи ушбу шаҳарда Шанхай ҳамкорлик ташкилотининг Самарқанд саммити кўтаринки руҳда ўтказилди. 14 давлат раҳбари жам бўлган ушбу саммит бугун айрим мамлакатлар ўртасида турли низолар авж олаётган бир паллада гўё бирдамлик, дўстлик, ҳамкорлик маъғини ёқди. Унда имзоланган ҳужжатлар Ташкилотга аъзо барча давлатлар қатори юртимиз тараққиети учун ҳам нечоғлик муҳим эканини такрор айтмоққа ҳожат йўқ.

Ушбу саммит фаолияти, дастлабки хулосалар, кузатувлар, мана неча кундирки, қилни қирқ ёрадиган эксперти сўбатшунослар томонидан таҳлил қилиниб, эътироф этилаётир. Газетамизнинг бугунги сонидан ҳам О'zLiDeP депутатлари, фаолларининг ушбу тарихий саммит хусусидаги фикр-мулоҳазалари муштарийлар эътиборига ҳавола қилинмоқда.

Давоми 2-3-саҳифаларда. ►►

ҲАМШИРАЛИКДАН ҲУНАРМАНДЛИККА 4

БОШПАНАСИ БЎЛСИН БАНДАНИНГ! 5

ЖАМИЯТНИ КИМЛАР ОРҚАГА ТОРТАДИ? 5

АРЗОН, ҚУЛАЙ ВА ТЕЗКОР!

Энди почтани кутиб ўтиришга ҳожат йўқ. Нашримизнинг электрон версиясига обуна бўлинг. Бунинг учун телефонингизга "Play Market" ёки "App Store" дан "XXI asr" иловасини юклаб олиб, пул ўтказсангиз кифоя.

Газетанинг электрон обуна нархлари (2022 йил учун):

- 12 ойлик – 96 минг сўм;
- 6 ойлик – 48 минг сўм.

БИРДАМЛИК ЙЎЛИДАГИ БАРДАМ ҚАДАМЛАР



Кабзбек АРТИКОВ,
O'zLiDeP Қорақалпоғистон Республикаси кенгаши
раисининг биринчи ўринбосари – аппарат раҳбари


Президентимизнинг ШХТ саммитидаги нутқи билан танишар эканмиз, Ўзбекистон бу нуфузли ташкилотга раислик қилишдек масъулиятли вазифани бажариш давомида асосий эътибор хавфсизлик, барқарор ривожланиш, ўзаро ҳурмат, дўстлик ва яхши кўшничлик тамойилларига асосланган давлатлараро муносабатларни янада яхшилашга қаратилган, аниқроғи, ШХТ фаолиятини янги босқичга кўтариш имконини берадиган бир қатор таклифлар илгари сурилганига амин бўлдик.

Ана шундай муҳим таклифлардан бири ШХТ минтақасида тинчлик, барқарорлик ва фаровонликни таъминлашга хизмат қиладиган, ҳар томонлама асосланган таклиф-

дир. Ушбу таклиф замирида “Шанхай руҳи” тамойиллари асосида бирдамлик, ўзаро қўллаб-қувватлаш ва шерикликни мустақамлашдек муҳим бир вазифа мужассамдир.

Мухтасар айтганда, Шанхай ҳамкорлик ташкилотининг Самарқанд саммитида қабул қилинган қарорлар ШХТга аъзо давлатлар атроф-муҳитни муҳофаза қилиш ва экологик тоза технологияларни жорий этиш соҳасида қўшма лойиҳа ва дастурларни амалга оширишига, “яшил” иқтисодиёт улдини ошириш мақсадида халқаро институтлар билан фаол мулоқот ўрнатилишида барча сайёҳ-ҳаракатларини бирлаштиришига, минтақавий даражада ҳам глобал миқёсда ҳам ҳамкорликни мустақамлашда муносиб ҳисса қўшади.

Худудлардан хабарлар



“ЁШЛАР ДАФТАРИ”ДАГИЛАР ЭНДИ ТАДБИРКОР



Чилонзор туманининг Диёр маҳалласида яшовчи, “Ёшлар дафтари” да турувчи Ёқубжон Ҳамидов ва Фазлиддин Абдуллаев ўз тадбиркорликларини йўлга қўйиш учун O'zLiDeP Чилонзор туман кенгаши раисининг ёшлар масалалари бўйича ўринбосари, Халқ депутатлари Чилонзор туман кенгаши депутати Баҳодир Зиёвуддиновга мурожаат этди.

Мурожаат самарасини берди. Ўз қизиқишлари, салоҳиятидан келиб чиқиб, Ёқубжонга саргарошлик анжомлари, Фазлиддинга сантехника асбоб-ускуналари олиб берилди.

Хўш, бу недан далолат? Демак, ёшларни кичик бизнес ва хусусий тадбиркорликка кенг жалб этиш, замонавий касб-хунарлар, рақамли иқтисодиёт кўникмаларини пухта эгаллашлари учун қўшимча шарт-шароитлар яратиш, уларни иш билан таъминлаш жараёнларига қўмақлаш янги босқичга кўтарилапти. Халқ ноибининг ҳам савобли, ҳам ибратли иши сабаб ишбилармонлар сафига кирган икки ёш фикримиз исботи.

O'zLiDeP Тошкент шаҳар кенгаши
матбуот хизмати

O'zLiDeP ФАОЛЛАРИ



ҲАМШИРАЛИКДАН ҲУНАРМАНДЛИККА

ёхуд чиқиндилардан экологик тоза маҳсулотлар
ясаётган Дилрабо Арзикулова фаолиятига бир назар

Кўпчилигимиз кундалик турмушда кераксиз деб ўйлаган қаттиқ маиший чиқиндиларни ташлаб юборишга одатланганмиз. Лекин улардан кўзини қувнатадиган буюмлар ясаш, уларни сотиб даромад олиш мумкин деса, ҳаммамиз ҳам ишонавермаймиз. Бу – бор гап. Ишнинг кўзини биладиган, машаққатли ва завқли меҳнатдан қочмайдиганлар бунинг урдасидан чиқмоқда.

Қўшрабторлик Дилрабо Арзикулова шундай кўли гул аёллардан бири. Шу хунари ортидан ҳам эътибор, ҳам даромад топа бошлади. O'zLiDeP томонидан доимий равишда ўтказиб келинаётган “Ишбилармон аёл” кўрик-танловининг жорий йилги вилоят босқичида эътироф этилиб, намунали иштироки учун ташаккурнома билан тақдирланди.

Ҳозир ҳам у турли кўргазмаларга тез-тез таклиф этиляпти. Бу, албатта, олис қишлоқда яшаётган аёл учун катта рағбат ва эътибор. Яна бундай тадбирларда Дилрабонинг атрофи гавжум бўлиб кетади – ишларига қизиқувчилар, эсдалик совғалари сотиб олувчилар кўпаяди.

Шу ўринда унинг бу соҳага кириб келгани ҳақида ўзидан эшитганларимизни бўлишасак. Асли касби ҳамшира бўлган Дилрабо турмуш ўртининг хизмат вазифаси сабабли оиласи билан Соҳибкор маҳалласига кўчиб келишган. Вақтинча уйда бекор қолган аёл бир кунни яқин дугонасига кўнгилни ёргандай бўлди-ю, “Болалигимизда картон қоғозлардан жуда чиroyли йўнчоқлар ясардинг, кел менинг боғчамга, болалар учун танк, самолёт, машина, аскарчалар, гуллар, вазалар ясаб бер”, деган таклифни олди. Шу тариқа бошқа таълим муассасаларидан ҳам таклифлар туша бошлади. Ахир, экологик тоза маҳсулот кимга ҳам ёқмайди дейсиз.

Бугун эса туман марказидаги ижара манзили-

да Дилрабога икки қизи ва ўндан зиёд аёллар шогирд тушиб, шу хунар сир-асрорини ўрганмоқда.

– Аввалига ишлаб бўлинган нарсалардан ўйинчоқлар, кўчирчоқлар ясадим, – дейди Дилрабо Арзикулова. – Буюртмалар кўпайди, одамлар қизиқиш билан сотиб ола бошлади. Чиroyли буюмлар ясаш учун катта шаҳарларга бориб, ярим тайёр маҳсулотлар олиб, буюмлар турини кўпайтирдик. Бир кунни қизларим “Ойижон, 8-мартга қизларимиз оналарига гул соғға олишмоқчи, буюртма беришяпти”, деб қолди. Шу сабаб бўлди-ю, гафрдан гуллар ясай бошладим. Бу матодан ҳозир ҳатто келинларга ҳам бежирим шаклда гулдасталар тайёрляпмиз. Тадбиркор доим изланишда бўларкан, туманда гуллар дўкони керак экан деб ўйлаб ижарада бўлса ҳам ташкил қилдик. Одам қадами узилмай қолди. Биласизми, бу хунарга оилавий қизиқамиз. Уйда бўлсак, бекорчи йўк, ҳаммага иш топилади. Турмуш ўртоғим гул солишга мўлжалланган ваза учун шиша идишларни кесиб таёрлаб берса, ўғилларим уни бўяшда кўмакчи. Қизларимиз мунчоқлар, тасбехлар ясашади. Тайёрлаган нарсаларимизни телеграмдаги гурӯҳимизда намойиш этиб борапмиз.

Дилрабо билан суҳбатимизда уйда фойдаланиб бўлинган ҳамма нарсани шунчаки ташлаб юбормаслигини, айтилик, оддий рўчанинг бўёғи тугаган қисми танкачалар ясашда асқотишини, салқин ичимликлардан бўшаган елим идишлар гул соладиган вазаларга айланишини билиб олди. Халқимизда “Кўлда ясалган буюмлар қадрли бўлади, чунки уларга инсоннинг қалб кўри, меҳри сингиб кетади” деган гап бежиз айтилмаганига яна бир бор амин бўлдик. Бу хунарманд аёлнинг фарзандлари ҳам ҳаётда ўрнини топяпти. Масалан, Мадина каратэ бўйича республика чемпиони бўлса, Дилнур пианино чалишни ўрганяпти.

Оиланинг бахти аёлга боғлиқ деганлари шу бўлса керак.

Муҳаббат РАВШАНОВА,
“XXI asr” муҳбири

ДЕПУТАТ ТАШАББУС КЎРСАТГАЧ...

10 100

НАФАР АЁЛ ИШ БИЛАН
ТАЪМИНЛАНДИ,
НАФАР ЎҒИЛ-ҚИЗ БОҒЧАГА
БОРАДИГАН БЎЛДИ

Халқ депутатлари Қарши туман кенгаши депутати Машхура Ҳайитова “Бир депутат юз аёлга кўмакчи” лойиҳаси доирасида ўн нафар хотин-қизни иш билан таъминлади.

O'zLiDeP фаоли ташаббуси ва ташкилотчилигида 3 миллиард сўмдан ортиқ маблағ сарфланиб, 1978 йили қурилган, бугунги кунда ташландиқ ҳолга келиб қолган бино капитал таъмирланиб, янги болалар боғчаси ташкил этилди. Эндиликда тумандаги “Аристократ” нодавлат мактабгача таълим ташкилоти 100 нафар жажжи ўғил-қизни ўз бағрига олди.

– Куйи Бешкент маҳалласида яшовчи сайловчиларим бўлган ёш оналар менга мурожаат этишиб, маҳаллада болалар боғчаси йўқлиги боис кўпчилик хотин-қизлар ишловмай, уйда ўтирганини, фарзандлари учун боғча ташкил этишда амалий ёрдам беришимни сўрашгани, – дейди “Аристократ” нодавлат мактабгача таълим ташкилоти мудираси, депутат Машхура Ҳайитова. – Туман ҳокимлигига ташландиқ бўлиб ётган бинони давлат-хусусий шерикчилик асосида таъмирлаб, боғча ташкил этиш юзасидан депутатлик сўрови билан чиққанмиздан сўнг ишлар бошланиб кетди. Истиқлол шодиёнаси маҳалламиз хотин-қизлари учун қўшалоқ байрам бўлди десам, ишонаверинг. Уларнинг кўзларидаги қувонч кўриб, боғча ташкил этиш учун елиб-югурганларим, чеккан заҳматларим бир зумда унут бўлди. Янги Ўзбекистонимиз эгалари бўлган ёш авлоднинг баркамол инсонлар бўлиб ўлғайишлари учун меҳнат қилаётганимдан чексиз фахрланаман.

O'zLiDeP Қашқадарё вилоят ва Қарши туман кенгашлари ҳамкорлигида ташкил этилган боғчанинг очилиш тантанасида сўзга чиққан партиядан сайланган депутатлар ва хотин-қизлар



ёш авлод тарбияси учун кўрсатилаётган ғамхўрлик, халқимизнинг турмуш фаровонлигини ошириш, мустақил давлатимизда навқирон авлод истиқболи йўлида қилинаётган ишлар ҳақида сўзладилар.

Феруза МУСТАЕВА,
O'zLiDeP Қарши туман кенгаши раиси
ўринбосари – аппарат раҳбари

ОПЕРАЦИЯ БЕПУЛ ЎТКАЗИЛАДИ



Бандихон туманининг Бектепа маҳалласида яшовчи Фароғат Мардонова “Аёллар дафтари”да рўйхатда туради. Фароғат опа бир неча йиллардан бери юрак хасталигидан азият чекади. Шу боис у 2-Бектепа сайлов округи депутати Баҳром Йўлдошев ва маҳалла фаолларига юрагини жарроҳлик йўли билан операция қилдириш бўйича амалий ёрдам сўраб мурожаат қилди.

Депутат маҳалла раиси Низом Мусурмонов ҳамда шифокор З.Тожиёв билан бирга Фароғат опанинг ҳолидан хабар олди ва шу ернинг ўзида депутат, ҳоким ёрдамчиси ва даволоччи участка шифокори билан биргаликда Фароғат опанинг жарроҳлик операциясига хулоса берилди. Энди аёлнинг хасталигини даволаш учун ўтказиладиган жарроҳлик операцияси маблағи туман ҳокимлигида шакллантирилган “Саховат ва кўмак” жамғармасидан қоплаб берилдиган бўлди.

O'zLiDeP Сурхондарё вилояти кенгаши
матбуот хизмати

